

Faamatalaga 2: E i ai lava tali faigofie ma tuusa'ō i fesili e uiga i aoaoga faavae, aoaoga, aiaiga faavae, ma le talafaasolopito o le Ekalesia.

Ia talanoaina faatasi o se vaega le sa'ō o le faamatalaga 2. Faitau le 1 Nifae 11:14–17, ma talanoaina le taua o le tali a Nifae i le fesili a le Agaga. Ona faitau lea o faamatalaga nei:



O aoaoga faavae o le talalelei toefuataiina e malosi, manino, ma e le faigata. Peitai, e oo lava i tusitusiga paia o loo i ai sina le manino. Mafaufau, mo se faataitaiga, i le tala ia Nifae, o le sa faatonuina e fasioti Lapana ina ia maua ai se faamaumauga faaleagaga taua tele. O lena tulaga ua faamasinoina ma le le mautonu. . . .

O lea la, o le olaga e tumu i le faauigalua ma le aoao e pullea le va o le tulaga lelei ma le mea moni o se tasi lea o faamoemoega o le fuafuaga faaletino. E ala i le mamamu paia, tatou te feagai uma lava ma “faafeagai o mea uma” (2 Nifae 2:11). . . .

. . . O le tomai e faailoa ai le faauigalua, o se laasaga taua i lo tatou atinaega faaleagaga, e le o se ituaiga faaiu o le malamalama—ua na o se amataga. . . .

O le tali sili i le va o le [mautinoa ma le] le mautonu o le faaauau pea ona tuputupu ae. . . .

Pe a tatou fetaii ma mea e faateia ai muamua i le lavelave, e tatau ona tatou tausia le fatu totogo a'e o le faatuatua ma le faaeteete tele, ma a oo ina vevela le la, o le a le mamae lava le laau fou. (Bruce C. Hafen and Marie K. Hafen, *Faith Is Not Blind* [2018], 9–10, 13–14, 18)



O le aoaoina e ala i le faatuatua e taua tele e pei o le aoaoina e ala i le suesue, aua e i ai nisi o mea e le mafai ona tatou aoaoina mai se tusi.

Sa faamamafa mai e Elder Dallin H. Oaks lenei upumoni: “[A]o mea uma e mafai ona tatou lolomiina, o nisi taimi e tuua ai o tatou tagata ma fesili faavae ia e le mafai ona foia e ala i le suesue. . . . O nisi mea e na o le faatuatua e mafai ona aoaoina ai [tagai Mataupu Faavae ma Feagaiga 88:118]. O le faatumutumuga o lo tatou faalagolagomaga e tatau ona i ai lea i le faatuatua i le molimau ua tatou maua mai le Agaga Paia” [Faafeagai i Mea Uma,” *Liahona*, Me 2016, 117]. . . .

. . . Pe a tulai mai ni fesili . . . e le o se faailoga e le o i ai sau molimau pe e le moni le talalelei. O i latou o se valaaulia mo oe ia tuputupu ae faaleagaga. . . .

. . . O fesili, aemaise lava fesili faigata, e uunai ai i tatou e punouai i se tauiviga faaleagaga ina ia mafai ai e le Alii ona taitai i tatou i le ala. . . .

O le tuputupu ae faaleagaga ma le mauaina o tali i a tatou fesili e faalagolago lea i lo tatou tomami e lagona, faalogo, ma malamalama i musumusuga a le Agaga. E taua le punouai i se tauiviga faaleagaga e aoao ai ia maua faaaliga faaletagata lava ia, aua e na o le pau le mea e mafai ona tatou iloa ai le mea moni pe a molimau mai le Agaga i o tatou loto ma mafaufau aua na o le Agaga Paia e mafai ai. (Sheri Dew, “Will You Engage in the Wrestle?” [Faigalotu a le Iunivesite a Polika Iaga–Idaho, Me 17, 2016], byui.edu)

Talanoaina fesili nei:

- Aisea e taua ai le iloa e mafai ona i ai le faauigalua, le mautonu, ma le lavelave i nisi o a tatou fesili e uiga i aoaoga faavae, aoaoga, aiaiga faavae, ma le talafaasolopito o le Ekalesia?
- E tusa ai ma saunoaga a Elder ma Sister Hafen ma Sister Dew, o a nisi o auala aoga e tali atu ai i fesili faigata o le talalelei ma le olaga lea e taunuu i le faauigalua po o le lavelave?
- O le a se mea na sili ona fesoasoani ia te oe e tumau faamaoni ai i lou faatuatua ia Iesu Keriso ma Lana talalelei ina ua e feagai ma le faauigalua, le mautonu, po o le lavelave?

E faavae i mea ua e aoaoina i le taimi o leni talanoaga, tusifaamaumau se vaega ua toe faafouina o le faamatalaga 2. Ia saunia e faasoa atu lau faamatalaga ua toe faafouina ma mea na e aoaoina i lau vasega.